

UKIUMUT ANINGAASANUT PILERSAARUSIORFIMMUT 2006-IMUT ATAATSI-MOORTUMIK TAPIISSUTISSAT PILLUGIT TAPILIUSSATUT ISUMAQATIGIISSUT

1. Aallaqqaasiut

Ukiumut aningaasanut pilersaarusiorfimmut 2006-imut ataatsimoortumik tapiissutissat pillugit tapiussatut isumaqatigiissut una pingaarnertut isumaqatigiissummut ”Namminersornerullutik Oqartussat aamma kommunit ukiumut aningaasanut pilersaarusiorfimmut 2006-imut ataatsimoortumik tapiissutissat pillugit isumaqatigiissut”mut, illuatungeriit juunip 7-anni 2005 atsiugaannut tapiliunneqarpoq. Kommuninut 2006-imi ataatsimoortumik tapiissutissat taamaalillutik ataatsimoortumik tapiissutissat pillugit isumaqatigiissut juunip 7-anni 2005-meersoq tapiliussatullu isumaqatigiissut manna tunngavigalugit tunniunneqartussaapput.

2. Suliffeqanngikkallarnermi ikiorsiissutit pillugit peqqussut.

Suliffeqanngikkallarnermi ikiorsiissutit pillugit Peqqussutaat nutaaq nr. 5 1. juni 2006-meersoq Inatsisartut 1. juni 2006-imiit atortussanngortippaat.

Inatsisartut peqqussutaata kommunit periarfissippai suliffeqanngikkallarnermi ikiorsiissutinik suliffissuarni sulisut suliassaarunneq tunngavigalugu angerlartinneqartut pisartagaqartinneqartarnissaat. Aningaasartuutaanerusussat taakku ukioq 2006-mut 1.250.000 kr.-inut nalilerneqarput.

Illuatungeriit tamanna tunulequtaralugu isumaqatigiissutigaa ukioq 2006-mut immikkut isumaqatigiissusiussallutik ataatsimoortumik tapiissutit 1.250.000 kr.-nik qaffassallugit.

3. Allanut tunngasut

Isumaqatigiissuteqarnermi apeqquataatinneqartoq

Aningaasaliissutit Inatsisartunit akuersissutigineqarnissaat apeqquataatillugu taamatut isumaqatigiissuteqartoqarpoq.

Nuuk, septembarip 25-at 2006

Josef Motzfeldt
Aningaasanut Nunanullu
Allanut Naalakkersuisoq

Lars Karl Jensen
Kalaallit Nunaanni Kommuneqarfiit Kattuffianni siulittaasoq